

खबरां

1. राष्ट्रपति द्रोपदी मुर्मू होरें अज्ज राष्ट्रपति भवन नमीं दिल्ली च जनजातीय वजीफा योजना दे लाहकारिएं गी संबोधित कीता। समाज दी सञ्ची ते असरदार तरक्की लेई सब्भनें वर्गे दे समाजी, आर्थिक ते शैक्षिक विकास पर पाया जोरा।
2. गृह मंत्रालय नै इमीग्रेशन ते 2025 दे विदेशी नियमें तैहत पंजीकरण समें-सीमा ते अपील सरिस्ते च बदलाव आहने लेई इमीग्रेशन ते विदेशी (संशोधन) नियम-2026 अधिसूचित कीते न।
3. भारती उच्चतम अदालत दे मुख्ब न्याधीश न्यायमूर्ति सूर्यकांत होरें सुप्रीम कोर्ट दे 5एं नमें न्यायधीशें गी ओहदे दी सगंध चकाई।
4. राजस्थान, गुजरात, पच्छिमी मध्य प्रदेश, ओडिशा ते तटीय आंध्र प्रदेश च गज्जी-चमकियै बरखा दे खदशे गी ध्यानै च रखदे होई ओरेंज अलर्ट घोशित कीता गेआ ऐ।
5. ते महिला क्रिकेट दे त्रीए ते अखीरी टी-20 अंतरराष्ट्री मैच तैहत अज्ज रातीं टान्टन च भारत ते मेजबान इंग्लैंड बश्कार मैच खेड्वा जाह्ग।

<><><><><>

President

राष्ट्रपति द्रोपदी मुर्मू होरें आखेआ ऐ जे शिक्षा, सशक्तिकरण दा इक सशक्त साधन ऐ। एह लोकें गी आत्मनिर्भर, जागरूक ते समर्थ बनांदा ऐ। अज्ज नमीं दिल्ली च जनजातीय वजीफा योजना दे लाहकारिएं गी संबोधित करदे होई राष्ट्रपति होरें आखेआ जे असल विकास तां गै मुमकन ऐ जेकर समाज दे सब्बै वर्ग समाजी, आर्थिक ते शैक्षिक रूपै नै तरक्की करना। राष्ट्रपति होरें आखेआ जे केंद्र सरकार बक्ख-बक्ख योजनाएं कन्नै जनजातीय समुदायें दे नौजवानें गी सशक्त करने ते उंदी बेहतरी लेई लगातार यत्न करा'रदी ऐ। राष्ट्रपति होरें आखेआ जे सरकार दिएं वजीफा योजनाएं जनजातीय लोकें दे जीवन च मनपांदा बदलाव आंदा ऐ।

<><><><><>

HM-Immigration

गृह मंत्रालय नै इमीग्रेशन ते विदेशी नियमें-2025 तैहत पंजीकरण समें-सीमा ते अपील सरिस्ते च बदलाव आनने लेई इमीग्रेशन ते विदेशी (संशोधन) नियम 2026 अधिसूचित करी दित्ते न। एहदे तैहत भारत औने दे 180एं दिनें दे अंदर-अंदर कदें बी पजीकरण कराया जाई सकदा ऐ। एहदे शा पैहलें 180 दिनें दी समें-सीमा खत्म होने दे 14एं दिनें दे अंदर-अंदर पंजीकरण कराना लाजमी हा।

<><><><><>

SC-Judges

भारत दे मुख्य न्याधीश, न्यामूर्ति सूर्यकांत होरें अज्ज उच्चतम अदालत च 5एं नमें न्याधीशें गी ओहदे दी सगंध चुकाई। न्यामूर्ति शील नागू श्री चंद्रशेखर, संजीव सचदेवा ते अरूण पल्ली हुंदे कन्नै सीनियर एडवोकेट वी. मोहना होरें सर्वोच्च न्यायालय दे Collegium दी सिफारिश पर केंद्र आसेआ उंदी नियुक्ति गी मंजूरी दित्ते जाने मगरा न्यायधीश दे रूपै च सगंध लैती। विधि ते न्या मंत्री अर्जुन राम मेघवाल होरें सोशल मीडिया पोस्ट च आखेआ जे राष्ट्रपति होरें मुख्ब न्यायाधीश हुंदे कन्नै सलाह-सूत्र करियै इनेंगी न्याधीश दे रूपै च नियुक्त कीता ऐ।

<><><><><>

Gold Smuggling

राजस्व खुफिया निदेशालय डी.आर.आई नै मुम्बई अंतरराष्ट्री ब्हाई अड्डे पर सुन्ने दी तस्करी करने आले इक गिरोट दा पर्दाफाश कीता ऐ। निदेशालय ने बदेश थमां आंदा गेदा 2 किलो 600 ग्राम सुन्ना जब्त कीता ऐ। इक टकोह्दी सूह पर कार्यवाही करदे होई अधिकारिएं दुबई थमां आए दे 2 यात्रुएं गी फगडेया ते उंदे थमां मोम दी

शकल च रक्खियां गेदियां सुन्ने दे चूरे दियां 2 गुथलियां बरामद कीतियां। मुंडली जांच थमां पता लगा ऐ जे नवी मुम्बई दे इक स्वर्णकार नै सुन्ने गी देसै च गैर कनूनी तरीके नै पजाने लेई तस्करें कन्नै ण्ड-गंड कीती दी ही।

<><><><><>

ED

प्रवर्तन निदेशालय मुम्बई, सूरत, अंकलेश्वर ते राजकोट च 20एं थाहरें पर तपाशी अभियान चलारदी ऐ। निदेशालय नै सलीम इस्मायल डोला ते ओहदे सहयोगिं आसेआ संचालित इक अंतरराष्ट्री संगठित नशीले पदार्थ दी तस्करी करने आहले इक गिरोट खलाफ एह् कार्यवाही कीती ऐ। एह् कार्यवाही धनशोधन निवारण अधिनियम पी.एम.एल.एम 2002 दे प्रावधानें तैहत कीती जा'रदी ऐ।

<><><><><>

Keralam

कांग्रेस दे लीउर शनिमोल उस्मान होरें गी केरलम विधानसभा दे डिप्टी स्पीकर चुनी लैता गेआ ऐ। शनिमोल उस्मान होरें गी 99 वोट थोए ते विपक्ष दे मेदवार मोहम्मद मोहसिन होरें गी 34 वोट पे। भारती जनता पार्टी दे त्रौनें विधायकें मतदान च हिस्सा नेई लैता।

<><><><><>

IMD

मौसम विभाग नै राजस्थान, गुजरात, पच्छमी मध्य प्रदेश, ओडिशा ते तटीय आंध्र प्रदेश च अज्ज अंधी झक्खड़ दा ओरेंज अलर्ट जारी कीता ऐ। कल्लै तगर अंदरले कर्नाटक, केरलम, माहे, लद्दादीप, तमिलनाडू, पुदुचेरी ते कराईकल च तेज बरखा पौने दी मेद ऐ। औंदे दो-त्रै दिनें तगर हरियाणा, चंडीगढ़, दिल्ली, अंडमान ते निकोबार द्वीप समूह, छत्तीसगढ़, झारखंड, कोंकण ते गोवा लक्षदीप, महाराष्ट्र, रायलसीमा, सौराष्ट्र ते कच्छ तेलंगाना ते पच्छमी उत्तर प्रदेश च बिजली चमकने ते तेज बहाएं नै बरखा पेई सकदी ऐ।

<><><><><>

Weather-JK

मौसम विज्ञान केंद्र श्रीनगर नै अगले 3 शा 5 घंटें दरान कश्मीर संभाग दे केई हिस्सें ते जम्मू खित्ते दे किश इलाकें च बरखा पौने दी पेशगोई कीती ऐ। बक्ख-बक्ख थाहें पर किश तेज बरखा, ऐन-गड़ा, अंधी-झक्खड़ ते तेज बहाएं दे असार न, जेह्दे चलदे बसनीकें गी सोहगा-सतर्क रौहने दी सलाह दिती गेई ऐ। मौसम सरबंधी ताजा जानकारी मूजब जम्मू-कश्मीर च कल थमां 5 जून तगर बड्डे पैमाने पर बरखा, अंधी-झक्खड़ तेज बजाएं दे चलने दी मेद ऐ, जिसलै के 6 जून गी किश-किश थाहें पर बरखा पौने दी मेद ऐ।

<><><><><>

Srinagar-Airport Advisory

तोआई, श्रीनगर ब्हाई अड्डे आसेआ यात्रिं लेई इक सलाह जारी कीती गेई ऐ कि भारती ब्हाई फौज आसेआ रन-वे दी मरम्मत दे कम्मे दे चलदे ब्हाई अड्डे दा रन-वे पैहली जुलाई कोला लेइयै 30 सितंबर 2026 तगर हर संगार ते मंगलवार बंद रक्खेआ जाह्ग जिसलै कि पैहली अक्तूबर कोला 16 अक्तूबर तगर रन-वे पूरी चाल्ली बंद रौह्ग। अधिकारिं उआं इब्बी आखेआ ऐ कि एह् कार्यक्रम फिलहाल अपने शुरूआती योजना आहले दौर च ऐ ते इस बारै मुकदी मंजूरी गी अजें बलगेआ जा'रदा ऐ। लोकें गी सलाह दिती जंदी ऐ कि अपनी यात्रा ओह् उसै साब्वे तय करन ते कुसै बिजन तस्दीक जानकारी पर भरोसा नेई करन।

<><><><><>

Myanmar-Prez.

म्यांमार दे राष्ट्रपति यू मिन आंग हलाइंग चार दिनें दी भारत यात्रा तैहत अज्ज मुम्बई पुज्जे जित्थे महाराष्ट्र दे गवर्नर जिष्णु देव वर्मा होरें छत्रपति शिवाजी महाराज अंतरराष्ट्री ब्हाई अड्डे पर उंदा सुआगत कीता। मुम्बई च राष्ट्रपति हलाइंग होर भारत दे बपार ते उद्योग जगत दे प्रतिनिधियें कन्नै मलाटी ला करदे न जिंदे राएं दौनें मुल्लें बश्का आर्थिक सहयोग बधाने, बपार-कारोबार गी बढ़ावा देने, इक दुए दे मुल्लें च रास-पूजी लाने दे मौके पैदा करने ते इलाकाई कारोबार गी बी बढ़ावा थोहो।

केंद्री सेहत ते परिवार कल्याण मंत्रालय नै जानकारी दित्ती ऐ कि भारत च इबोला दा इक बी मामला सामने नेई आया ऐ। उआं अफ्रीका दे किश हिस्सें च इस बमारी दे तेजिया कन्नै फैला दे मामलें करी पैदा हालात गी दिखदे होई अंतरराष्टी यात्रिएं लेई अलर्ट ते सख्त दिशा-निर्देश जारी कीते न। पिछले 21 दिनें दे अंदर इबोला प्रभावित

मुखें दी यात्रा करने आहले यात्रिएं गी अपनी सेहत पर उप्परोतली 21 दिनें तगर साढ रखने लेई आखेआ गेदा ऐ। ताप, सिर पीड़, सरीरै च दर्द ते उल्टी दस्त जां खून औना एहदे लच्छन होई सकदे ना लोकें गी आखेआ गेआ ऐ जे इन्दे चा कोई बी कसर लब्बने पर अपने आपै गी होरनें कोला बक्ख करी लैन ते हेल्पलाइन नंबर 1075 पर संपर्क करन।

<><><><><><>

India-Medical Asst.

भारत नै कांगो ते युगांडा च इबोला वायरस दे प्रकोप कारण पैदा होए दे हालात कन्नै निब्बड़ने लेई अमरीका रोग नियंत्रण ते रोकथाम केंद्र गी जरूर इलाज सप्लाई ते सुरक्षा किट भेजे ना। इस समेयान च दोआइयां, इलाज च बरतोने आहले उपकरण ते समेयान। एहदे अलाव भारत अमरीका गी बक्ख-बक्ख माध्यमें राएं टेली मेडिसिन दी सुविधा बी उपलब्ध करा करदा ऐ जेहदे च ई-विद्या भाती नै ई-आरोग्य भारती शामिल ना। अपनी इक सोशल मीडिया पोस्ट च विदेश मंत्री डा. एस जयशंकर होरें दस्सेआ जे तौले गै इबोला प्रभावित इलाके च 43 टन मदाद होर भेजी जाहग।

<><><><><><>

EAM-Italy

विदेश मंत्री डा. एस जयशंकर होरें अज्ज इटली गी औदे राष्ट्री दिवस पर शुभकामनां संदेश भेजे ना। अपनी इक सोशल मीडिया पोस्ट च डा. जयशंकर होरें विश्वास जताया जे दौनें मुखें बश्कार वशेष सामरिक भ्याली लगातार तगड़ेयाई आहली भेठा अगगे बधदी रौहग।

<><><><><><>

West-Asia

इजराइल ते हिज्बुल्लाह बश्कार अमरीका दी मध्यस्थता कन्नै होए दे संघर्ष विराम पर संकट दे बहल मंडरान लगी पेदे ना। समझौते मगरा प्रोतै च तनोतनी घटने दी मेद ही, पर हाल च होई दिएं फौजी उल्लंघनाएं कन्नै एहदी स्थिरता पर गंभीर सोआल खड़े होई गे ना। ईरान नै लेबनान च इजराइली हमले जारी रौहने पर अमरीका कन्नै हर चाल्ली दी गल्लबात रोकी दिती ऐ। अमरीका कन्नै कुसै बी युद्ध विराम समझौते लेई ईरान नै लेबनान पर इजराइली हमले रोकने शा पैहलें शर्त रक्खी ही। उनै होमुर्ज जलडमरूमध्य पूरी चाल्ली बंद करने ते लाल सागर दे मुहाने पर स्थित बाब-अल मंदेब जलडमरूमध्य समेत दुए मोर्चे खोलने दी गल्ल कीती। ईरान नै आखेआ ऐ जे लेबनान ते गाजा च इजराइली हमले पूरी चालली बंद होने तगर अमरीका कन्नै कोई गल्लबात नेई होग। लेबनान च जारी संघर्ष अमरीका ते ईरान मझाअै संभावित युद्धविराम समझौते च बड़ी अड़चन बनी गेदा ऐ।

<><><><><><>